

हव्यवाहनो यदग्निस्तस्मादाह वृणीध्वं हव्यवाहनमिति ॥३१॥ तं वाऽएतम् ।  
अध्वरुवत्तं त्रिचमन्वाह देवान्ह वै यज्ञेन यजमानानां सपत्ना असुरा दुधूर्षां चक्रुस्ते  
दुधूर्षन्त एव न शेकुर्धूर्वितुं ते परावभूवुस्तस्माद्यज्ञोऽध्वरो नाम दुधूर्षन्ह वा  
ऽएनं सपत्नः पराभवति यस्यैवं विदुषोऽध्वरुवत्तं त्रिचमन्वाहुर्ग्रावदेव सौम्येना-  
ध्वरेणोष्ट्रा जयति तावज्जयति ॥४०॥ ब्राह्मणम् ॥३ [४. १.] ॥

एतद्ध वै देवा अग्निं गरिष्ठेऽयुजन् । यद्धोतृवऽइदं नो हव्यं वदेति तमेतद्-  
रिष्ठे युक्तोपामदन्वीर्यवान्वै तमस्यलं वै तमेतस्माऽअसीति वीर्ये समादधतो य-  
थेदमप्येतर्हि ज्ञातीनां यं गरिष्ठे युजन्ति तमुपमदन्ति वीर्यवान्वै तमस्यलं वै त-  
मेतस्माऽअसीति वीर्ये समादधतः स यदुत ऊर्ध्वमन्वाहोपस्तौत्येवैनमेतद्वीर्यमेवा-  
स्मिन्दधाति ॥१॥ अग्रे महांश्चऽअसि ब्राह्मण भारतेति । ब्रह्म ह्यग्निस्तस्मादाह  
ब्राह्मणेति भारतेत्येष हि देवेभ्यो हव्यं भरति तस्माद्भरतोऽग्निरित्याहुरेष उ वा  
ऽइमाः प्रजाः प्राणो भूवा विभर्ति तस्माद्विवाह भारतेति ॥२॥ अथार्षेयं प्रवृ-  
णीति । ऋषिभ्यश्चैवैनमेतदेवेभ्यश्च निवेदयत्ययं महावीर्यो यो यज्ञं प्रापदिति त-  
स्मादार्षेयं प्रवृणीति ॥३॥ परस्तादर्वाकप्रवृणीति । परस्ताद्वाच्यः प्रजाः प्रजा-  
यन्ते ज्ञायसस्पतयऽउ चैवैतं निहृतऽइदं हि पितृवाग्रेऽथ पुत्रोऽथ पौत्रस्तस्मा-  
त्परस्तादर्वाकप्रवृणीति ॥४॥ स अर्षेयमुक्ताह । देवेदो मन्विद्ध इति देवा ह्ये-  
तमग्रऽऐन्धत तस्मादाह देवेद इति मन्विद्ध इति मनुर्ह्येतमग्रऽऐन्ध तस्मादाह  
मन्विद्ध इति ॥५॥ ऋषिष्टुत इति । ऋषयो ह्येतमग्रेऽस्तुवंस्तस्मादाहृषिष्टुत इति  
॥६॥ विप्रानुमदित इति । एते वै विप्रा यदृषय एते ह्येतमन्वमदंस्तस्मादाह  
विप्रानुमदित इति ॥७॥ कविशस्त इति । एते वै कवयो यदृषय एते ह्येतम-  
शंसंस्तस्मादाह कविशस्त इति ॥८॥ ब्रह्मसंशित इति । ब्रह्मसंशितो ह्येष  
धृताह्वन इति धृताह्वनो ह्येषः ॥९॥ प्रणीर्यज्ञानां रथीरधराणामिति । एतेन